

I. N. R. I.
7
DISSERTATIO PHILOSOPHICA,
EXHIBENS
NONNULLA THEORE-
MATA
MISCELLANEA,

Qdam.

Cum Conf. & App. Ampl. Fac. Phil.

In Regiâ Academiâ Aboënsi,

SUB PRÆSIDIO,

Præclarissimi & Excellentissimi Viri

M. SIMONIS *Zalpo/*

Logices & Metaph. Profess: Ordinarii,
h.a. Ampl. Facult. Phil. Decani spectabilis,
Præceptoris & Promotoris sui plurimum
de venerandi.

Placide conferentium censuræ submittit

SVENO N. Högl/ Smol.

S. R. M. Al.

Ad diem ¹⁰ Aprilis Anni M. DC. LXXXV.

In Auditorio Maximo, horis convictis.

A B O Æ,

Excusa à Joh. LAUR. WALLIO, R. U. T.

*Prudentia Fideique integritate com-
mendatissimā, Viris ac Dominis,*

DN. JOHANNI SPOOFF/
Publicorum Redituum in Satag-
gunda Exactori fidelissimo.

DN. WALENTINO TZANDRO,
Redituum Præfecto in Pilsie ut
promptissimo ita fidelissimo.

DN. JONÆ SPOOFF/ Scribæ ter-
ritoriali in Satag. solertissimo.

DN. AARONI WALSTENIO,
Grammatophylacii Aboënsis
Scribæ attentissimo.

*Hocce paginas paucieres, Fautores &
Amici pl. honorandi, vestrum no-
minibus dicatus, serena fronte
accipite, mibique pro vestro so-
lito candore favete!*

S. N. Hööf.



THEOREMA I.

Sedem somni esse Cerebrum; Causam Negationem influxus Spirituum animalium Affirmamus.



U*m Theorema sit bimembre primi-
tus incumbit ostendere subje-
ctum, quod Græ-
ci οὐεῖσθαι δεξικοὶ vocitant somni, ce-
rebrum omnino esse, improban-
do illos qui somnum cordis non
cerebri passionem statuminant.
Quos inter Stagirita falsa nixus hy-
pothesi, judicavit actionum prin-
cipalium, sensus & motus, prin-
cipi.*

cipium, fontem & instrumentum
cor esse, non cerebrum, hujus sum-
mum officium non attendens, in
generandis spiritibus animalibus,
iisdemq; exteris sensoriis com-
municandis, per nervos inde ori-
ginem ducentes. Et licet totus
homo dicatur dormire, non ta-
men desinit cerebrum somni sub-
jectum esse, cum feriatio sensus
& motus in toto corpore, accidens
& effectus est somni, non ipse so-
mnus, qui hujus accidentis causa est.
Varias nunc variorum somni cau-
fas leviter tangamus: Aristoteles vapo-
res e ventriculo ad meatus spi-
rituum animalium sursum cum
latim vibratos causam solitariam
existimat. Galenus ex praescrivi-
pto artis suae pugnat pro spirituum
in Cerebrum collectione sive re-

tractione. Empedocles; somni
causam hanc insinuat: nempe spi-
ritus vitales calidos non ad cere-
brum usq; exporrigi, sed infra si-
sti. Prima sententia necideò plau-
sibilis videtur; cum somnus nobis
sæpiculè vel jejunis obrepatur, ubi ad
evaporationem cibi solam confu-
gere inconsequens foret. Se-
cunda quæ pro spirituum anima-
lium in cerebrum oī animoda col-
lectione militat, hac ratione non
valer, cum nunquam existime-
mus, omnes spiritus animales in
cerebrum posse acciri, propter
viam illam attractricem, singulis
membris ab ipsa natura inditam:
Et si toti huic sententiæ sub scri-
beremus, nimis absurdum, etiā nobis
ipfis videremur; cum notū sit nul-
lum sensum in actione posse ver-

sari absque ope spirituum anima-
lium, quod tamen videmus in il-
lis quibus concoctio non dum est
per acta, interim clamore vel
submisso posse excitari; quod ne-
quaquam fieret spiritibus anima-
libus omnibus in cerebrum col-
lectis. Ad Eversionem sententiae
Empedoclae offerunt scie sequē-
tia. Inter dormiendum cerebrum
multo felicius decoquit, quam per
vigilias; dolores capitis, per lo-
mnum vel prorsus tolluntur vel ad
minimum mitigantur, caput sen-
sibiliter calidum, sudorem cali-
dum fundit; plurimi scie ad capi-
endum somnum componentes,
vix satis contegi possunt, cum ta-
men aliquamdiu dormierunt, pro-
pter æstum tegumenta corporis &
capitis abjicere coguntur: Facies

in-

insuper magis rubicunda per somnum apparet. Hæc & alia consimilia, sine influente per arterias calore vitali, nemo ne quidem affirmare audebit. Mollis frictio, cantus, murmura, lectio parum attenta; silentium, tenebræ, animales spiritus à motu ad quietem placide invitant; labor, vigilia, æstus, absolumunt: Balnea, vaporosi odores, obtundunt. Hujusmodi Phil. & Medicorum ratiocinias, eatenus agnoscenda velimus, quatenus instar adjumenti partialis somni ponantur. Ast cum actus unus non nisi una proxima determinanda sit causa, ideoque cum Sperlingio negationem influxus spirituum animalium instantum adstruimus, in quantum negatio illa significet ab opere

cessationem & quietem naturalem.

THEOREMA II.

Antipodes dari in terraquo globo rotando asserimus.

Licet hæc assertio in se sit verissima, tamen suis non careat impugnatoribus, qui sententiæ hujus patronos vanos & stolidos deputant, nihilominus tamen eandem adstruunt I. *Navalies experientia*, superioribus seculis ut & nostro facta; hæc inquam satis edocet hujusmodi populos dari, quorum pedes, aliorum, quamvis non audeam dicere nostris pedibus, sunt oppositi, quique adversa urgunt vestigia, II. *Situs cœli terræque item nobiscum facit, respectu illius utraque pars quibusdam hominibus est inferior quibusdam super-*

superior. III. *Finis motus solis* idemque circularis; receptæ sententiæ ad stipulatur, constat solem quotidie circa terræ globum motu sphærico ferri, ad eundem calescendi & illustrandum: Quādo est infra hemisphærium nostrum occiduus, tum alii populo oriatur necesse est, aut otiosus ibi dem morabitur, quod pugnat cum illo πολυτρυπλῆφ; Deus & natura nihil faciunt frustra. Nec cum vulgo sentiendum, omnia fore pendula antipodibus assertis, cum gravia omnia suis collibrata nutibus ad centrum vergant, ea propter antipodes non magis quam nos esse pendulos, quia utrisque eadem est ratio: Imo terra ipsa nec consisteret in suo loco, sed in cœlum rueret, si vani-

loquorum opinio locum inventaret. Terram non planam, non cavam, non angulosam, non tetragonam, non hexagonam, nec aliam quamcunque figuram habere; sed sphaericam monstrant scripturæ sacræ attestatio, Isa: 40. 22. Qui sedet super globum terræ &c. Umbræ & ipsius terreni corporis exacta Proportio, dierum inæqualis constitutio, immo ipsa lunæ Eclipsatio.

THEOREMA III.

Omnem autóxenian utpote illicitam & fortitudinis nomine indignam improbamus.

Quod in historicorum monumentis vel leviter fuerit versatus, confiteri necessum habet, exempla non pauca sibi offerri, hujus theo-

REMA-

rematis affirmativam svadentia ,
nec sacra deesse primo intuitu, ad
eundem collimantia scopum: Pro-
fana, ut cetera taceā, Lucretiæ, Cle-
ombrōti, Zenonis, Cleantis, Han-
nibalis, Anaxagoræ, Catonis, Sar-
danapali, Scipionis, Brutis, Sacra:
Rhaziæ, Samsonis. Quicquid ex
hisce alijsq; talibus concludi pot-
erit, illud omne ad quinque hæc-
ce momenta sive canones exami-
narum , suam sine dubio sentiet
imbecillitatem. Pugnat. I. cum
lege naturæ II. Divina. III, præ-
ceptis Ethicis. IV. Politia V.
jure etiam civili. *Lex naturæ* re-
quirit, ut omne animal sui ipsius
conservationem intendat. *Lex*
divina, non occides, qui te ipsum
occidit, hominem utique occidit,
nemo membrorum suorum do-
minus

minus, ne dum vitæ & animæ. Praecepta Ethica: vera fortitudo est illa, quæ in ijs periculis, quæ formidolosa vel sunt, vel apparent subeundis & repellendis, mediocritatem observare docet, solius honestatis & publicæ utilitatis gratia. Politia: αὐτόχειρες répub. civi priuant, in maiores aliás usus refer-vando. Ius Civile: Hujusmodi infames habentur, quod hinc dispa-lefecit; vel sub tecto domus dejiciuntur, vel sub limine extrahuntur, vel in campo suppicio desti-nato locisque separatis sepultura asini, ohne Klang und Schall ter-râ obruuntur, quemadmodum e-gregie disserit Liebenthal. Proinde Concludimus, quemcunque vi-tentas manus fibi ipsi inferentem fortitudinis nomine plane indi-

gnūm. Nam perpetua est regula.
Non sunt facienda mala ut inde evi-
niant bona.

THEOREMA IV.

Principem solutum lege concludimus.

UT primitūs innōteſcat, qualem principē intellectum velimus, notandum, nos oculos in principes minorum gentium haud flexile, longissime ab hac libertatis Majeſtate recedentes, in cuius rei exemplum ſufficiat adduxiſſe Ambiorixim Eburonum principem Cæſ: lib. 5. belli Gall. C. 27. ſua eſſe iſtiuſmodi imperia conſitentem, ut non minus haberet in ſe juris multitudine, quam ipſe in multitudinem. Sed ſummos hominum, & rectores generis humani uti loqui-
tur Tacitus 3. Annal: c. 58. neminem preter ipſum Deum regum regē,

le superiorem agnoscentes; hos
dicimus lege solutos, *Civili* puta,
non *divina* cuius custodes erunt
vigilantissimi: Non *naturali*, il-
lorum quemadmodum hominum
aliorum omnium cordibus inscri-
ptâ, ipsosq; immutabiliter obligan-
te. Non *gentium*, in aliquibus, non
minimam cum lege naturali con-
formitatem habente: Non *funda-
mentali*, in quam jurare tenentur
sub ipso coronationis actu: Sed *Ci-
vili* solutos asserimus: Non tamen
nescii, hujusmodi principes, legum
civiliū à se vel antecessoribus con-
ditarum observantissimos fore de-
bere; cū distinctione tamen inter
vīm Directivā & coactivā, illam
agnoscit, hanc non item, *Etsi* inquit
Bald.lib.4.c.12.in suis casibus con-
scientiæ: *Princeps secundum leges
vive.*

vivere tenetur ; non tamen ipse legibus
est obligatus sed solutus, alias nulla resp.
consistere posset. Certum enim est, à
nemine posse legum sanctiones mutari,
quam ab eo qui legibus est solutus, nam
qui sub lege est & eidem obligatus, ab
observancia legis recedere nequit, aut
novam legem veteri abrogata, promul-
gare, cum non habeat legum conden-
darum facultatem. Certum & hoc est,
leges sanctas respicere reipub: salutem,
atque hanc pro temporum & circumstan-
tiarum varietatibus insigniter variare ac
proinde leges temporibus esse obnoxi-
as, unde lex una civiliter sancta, vix
reperitur, quæ sit omnibus temporibus
accommodata. Quæ in pace lata sunt
plerumque non valent in bello & quæ
in bello valent, vix locum habent tem-
pore pacis : ut ergo leges pro salu-
te reipublicæ mutari possint, necesse
est, principem esse legibus solutum.
Quæ & non alia politici axiomatis
est sententia ; ita legitimus apud Dio-
nem lib: 58. quod senatus Romanus

Octavium Augustum omni legum ne-
cessitate solverit, ut vere cum plena
potestate perfecteque sui juris legibus
solitus agere aut non agere omnia
postet suo pro arbitrio. Summa re-
sponsionis hæc est; Princeps ut homo
seu Ethicè consideratus est sub lege
quin & ipse sibi lex est, & quod sub-
ditis præscribit, ipse primus observat,
sed princeps ut Princeps, seu politice
consideratus est solitus legibus, ut i-
pse pro salute reipub. leges ferre aut
mutare possit. Sic itaque hæc tumul-
tuaria & succincta quatvor horum Theo-
rematum expositio: Et licet multo plu-
ribus possent illustrari firmarie ratio-
nibus, hisce tamen ut extantioribus
contenti, supersedemus; gloriāq[ue] ho-
norem Numini versando in sempiter-
na secula tribuentes!

